

UCAPAN YAB DATO HUSSEIN ONN,
PERDANA MENTERI MALAYSIA,
MERANGKAP YANG DI-PERTUA
PERSATUAN BAGI ORANG-ORANG BUTA
MALAYA, DI MAJLIS BANKUET
PERSATUAN, PADA HARI RABU,
21HB. MEI, 1980, JAM 7.15 MALAM,
DI NIRWANA BALL ROOM, KUALA
LUMPUR HILTON.

Duli Yang Maha Mulia, Seri Paduka Baginda,
Yang di Pertuan Agong,

Duli Yang Maha Mulia, Seri Paduka Baginda,
Raja Permaisuri Agong,

~~Yang Amat Berhormat Datuk Seri Dr. Mahathir
Mohamed,~~

~~Yang Berusaha Datin Seri Dr. Siti Asmah,
Pengerusi Jawatankuasa Bankuet.~~

Ampun Tuanku,

Patek serta lain-lain ahli Majlis,
Persatuan bagi Orang-Orang Buta Malaya, merafak
sembah menjunjung kasih kebawah Duli Yang
Maha Mulia Tuanku, serta Duli Yang Maha Mulia
Baginda Raja Permaisuri Agong, kerana sudi

...2/-

2.

mencemar duli di majlis bankuet yang tidak seperti ini. Keberangkatan Tuanku bersama-sama dengan Baginda Raja Permaisuri Agong, sesungguhnya, telah menyerikan lagi majlis patek sekalian. Ia adalah satu penghormatan yang besar, serta memberi perangsang yang kuat kepada patek sekalian, untuk berusaha dengan lebih giat dan bersungguh-sungguh lagi, membela kepentingan dan kebajikan golongan rakyat yang kurang bernasib baik.

Ampun Tuanku.

Patek mohon izin berucap kepada hadirin sekalian.

... 3/-

1. B., Datuk Sri Dr mahathir.

Yang Berusaha, Datuk Sri Siti Asmah,
Pengurus, ③ Jawatankuasa Bankuet,
Tuan Omar Ong Eke Leng dan Puan Puan Sisak.

4. Yang Berhormat Menteri-Menteri dan
Timbalan-Timbalan Menteri.

5. Tuan-tuan Yang Terutama Duta-duta,

6. Para Dermawan,

7. Tuan-tuan dan puan-puan sekalian.

Saya merasa sukacita mendapat
peluang melafazkan sepatah-dua kata, bagi pihak
Persatuan bagi Orang-orang Buta Malaya, pada
malam ini. Saya mengucapkan ribuan terima kasih,
kepada penderma-penderma yang telah memberi
sokongan, bagi menjayakan bankuet chariti tahun ini.
Saya harap, sokongan dan bantuan seperti ini, dapat
diberikan dari masa ke semasa, supaya ia menjadi

4.

sumbangan berkesan kepada Orang-orang Buta.

2. ~~Di sini,~~ Saya ingin juga mengucapkan
berbanyak terima kasih dan setinggi-tinggi penghar-
gaan, kepada Yang Berbahagia, Datin Seri Dr. Siti
Asmah serta jawatankuasa bankuet, kerana usaha-
usaha mereka menganjurkan majlis ini. Inilah
tahun yang ke tiga, Yang Berbahagia Datin Seri
telah melibatkan diri menganjurkan majlis bankuet.
Kegigihan dan kesungguhannya, serta mereka
yang telah membantunya, telah dapat mengumpulkan
hasil yang besar, bagi faedah dan kebajikan orang-
orang buta.

...5/-

5.

3. Sumbangan kewangan daripada kutipan derma ini, akan dapat membantu Persatuan bagi Orang-orang Buta Malaya, membina bangunan barunya sendiri, serta membiayai projek-projek pembangunannya.

Persatuan memerlukan satu bangunan untuk bergerak dan menempatkan segala perkhidmatannya.

Dengan adanya tempat yang sesuai, Persatuan ini akan dapat menjalankan kegiatannya dengan lebih pesat lagi, dan akan dapat meningkat serta meluaskan lagi programnya, untuk memberi perkhidmatan yang lebih berkesan kepada orang-orang buta, terutamanya, mereka yang terjejas penglihatan. Oleh itu, kita boleh

6.

berbangga di atas kerjasama dan sokongan, bagi menjayakan projek pembenaan bangunan Persatuan ini. Persatuan memerlukan satu jumlah kewangan yang besar, untuk melaksanakan projek ini, dan kita berharap tuan-tuan dan puan-puan, serta sekalian anggota masyarakat, akan menghulurkan derma mereka untuk tujuan yang baik ini.

Tuan-tuan dan puan-puan sekalian.

4. Persatuan bagi Orang-orang Buta Malaya, telah memainkan peranannya yang penting,

... 7/-

7.

untuk memberi perkhidmatan kepada mereka yang terjejas penglihatannya. Sumbangan Persatuan kepada satu golongan masyarakat kita yang kurang bernasib baik, seharusnya menjadi kebanggaan dan contoh yang baik. Di dalam kita membangunkan negara, kita tidak harus lupakan golongan yang kurang bernasib baik, yang memerlukan perlindungan dan peluang, untuk menjadi masyarakat yang berguna.

... 8/-

8.

5. Persatuan bagi Orang-orang Buta Malaya, selain daripada menjalankan progrem pelajaran, pemulihan dan penempatan, juga menjalankan satu progrem yang besar untuk mencegah buta, dan memulihkan penglihatan. Beribu-ribu orang telah diberi perkhidmatan pencegahan, pada tiap-tiap tahun, melalui klinik mata bergerak. Tahun ini, dengan kerjasama Universiti Kebangsaan, Persatuan telah memulakan satu perkhidmatan klinik bagi merawat mereka yang mempunyai penglihatan yang terhad, untuk membolehkan mereka menjalankan kerja dengan lebih sempurna. Bantuan alat-alat penglihatan

9.

telah diberikan kepada mereka ini.

6. Persatuan juga akan meningkatkan lagi usaha-usahanya, untuk memperbaiki dan memperluaskan perkhidmatan pencegahan buta.

Persatuan ini sedang merancang untuk menubuhkan sebuah pusat mata di Petaling Jaya, bagi memberi perkhidmatan pencegah dan pengubatan kepada masyarakat. Dalam hal ini juga, Persatuan akan memerlukan bantuan. Saya harap, tuan-tuan dan puan-puan, dan seterusnya masyarakat, akan menghulurkan bantuan bagi tujuan ini.

...10/-

7. Berkhidmat kepada orang-orang buta, merupakan satu sumbangan kepada negara. Persatuan Orang-orang Buta Malaya, akan terus bergiat untuk mengadakan dan melaksanakan program-program bagi orang-orang buta, atau yang cacat penglihatannya, untuk membolehkan mereka mendapat tempat yang saksama di dalam masyarakat. Sokongan dan bantuan yang diberikan kepada Persatuan oleh tuan-tuan dan puan-puan, serta oleh berbagai pihak dari masa kesemasa, akan membolehkan Persatuan ini, memainkan peranan serta melaksanakan tugasnya dengan lebih berkesan dan meluas lagi.

11.

Tuan-tuan dan puan-puan sekalian.

8. Akhirnya, saya sekali lagi mengucapkan setinggi-tinggi terima kasih kepada semua pihak yang telah menyokong Persatuan di dalam apa jua kegiatannya.

Ampun Tuanku,

9. Bagi pihak Persatuan ini, dan juga para hadirin sekalian, patek sekali lagi menjunjung setinggi-tinggi terima kasih serta penghargaan, kepada kebawah Duli Tuanku dan Baginda Raja Permaisuri, kerana sudi mencemar duli di majlis bankuet pada malam ini.



No. Siri 483
 No. Penerimaan 18/99